

[www.BibleForChildren.org](http://www.BibleForChildren.org)

Metyu 26



Dómdóm 6  
ngürr nóma  
kwarilürr [Büdül  
Kórzyón Tórem],  
Yesu Betani  
basirrdü ugón wamórr,  
Lazarrus ne ngyaben yarilürr,  
wa noan irsümülürr бүдүлдүgab.  
Da Merri dadamüz ngarkwat  
morroal ilang idi sokol  
ipadórr, [kolkal] nade  
tónggapórrón. Wirri darrem idi  
yarilürr, da wa we ekanórr Yesun  
wapórdó, akó Yesun wapór norrgonórr tóba órrngóene.  
Ene müót blaman morroal ilanga gwarranórr.



Da módóga, Zudas Iskarriot, darrü Yesun 12  
umulbain olmaldógab, we wamórr wirri prristdü,  
Yesun ibü tangdó angrinüm. I ene  
bóktan nóma barrkrrurr, i wirri  
barnginüm we bainóp, da i oya  
[alkamül-koke bóktan]  
ekyenóp mani akyanóm.

Da módóga, Zudas  
kwat we yamkülürr  
Yesun ibü tangdó  
angrinüm.



Yesu tóba umulbain olmalzan nilóp,  
i elklaza we tómbapónóp Búdül  
Kórzyón Tóre alongaloankü.

I nóma alo koralórr, Yesu dudu  
brred ipadórr, akó Godón eso  
akyan kakóm, wa syórr yangónórr.

Wa tóba umulbain olmal poko  
nülinóp ini bóktanpükü wagó,


“Ipüdam, eloam;  
ini kürü bübe.”




Wa akó waenpükü kübül ipadórr,  
akó Godón eso akyan kakóm,  
wa ibü nókyenóp ini bóktanpükü  
wagó, "Blamana ugó enónam.  
Ini kürü óe-e. Wirri arüing akyanda  
Godón [alkamül-koke tónggapórrón  
bóktan]. Sab abün pamkolpamabkü  
tópkóne, igósüm God sab ibü kolae  
tonarr norrgorre."



Olgabi Yesu Saemon Pitaka bóktanórr wagó,  
"Saemon, Saemon, turrkrru! Satania Godón kuri bóka  
itine yabü bapókóm, da God kuri abine, yabü  
kürükagabi amanóm, ngaon pamazan [wit] küp ainda  
buldügab aleanóm. Da Saemon, ka marünkü kuri tóre  
ekoa wagó, ma sab koke aupo kürü amkoman  
angundügab. Akó ma  
nóma tolkomolo  
kürüka, moba  
[zonaretal] arüing  
nütününümke."



A Pita ma Yesuka bóktanórr wagó, "Lod, kürü taia tümün müótüdü pamóm bainüm akó nurrótókóm mankü." A Yesu ma Pitan yalórr wagó, "Pita, ka marü igó ayaldóla, siman karrakarra póyaea errkya ini ngürr bóktan küsil nóma yarile, da ma kalma aüd münüm kalpino igó, ma kürübóka umul-kókla."



Ene kakóm, Yesu tóba umulbain olmalpükü we wamórr darrü bwób, ngi Getsemani. Wa ibübóka wagó, "E ae bobrra, ka wezan tótókdóla tóre akom." Wagó, "Ba, kürü Ab. Blaman elklaza marüka popadanako. Kürü ini wirri azidüdüma ódódgu. A kürü ubia koke ki tómbapó, a wa marü ubie."





Da Zudas ola we wamórr, tóba Rrom gazirr pamab kopo akó ngibürr myelam pampükü, wirri prrist akó Parrisia nibiób zirrnápónóp. I warri, zyón kla, akó gazirr eklaza barrmülürr. Olgabi darrüpa gazirr turriki singüldü prristan [leba zaget] paman tutul güblang we itülürr. Da Yesu bóktanórr wagó, "Piküp Bainam! Myamemgu!" Akó wa ene paman güblang yamurrürr, da dólóng yónürr.



I Yesun amigóp, da we idüdüp singüldü prristan müót kugupidü. Pita ibü solodó barrkyanan kan akyalórr. I ur yungóp müótan kal akólórrón pul basirr aodó. Olgabi i darrpan pokodó bobrralórr. Pita tamórr, da inkü we mórran-mórran bainürr.



Darrü singüldü prristan  
leba zaget olom, Pita  
güblang noan  
singgapinürr, oya  
narezoret, oya imtinürr  
wagó, "Ia ka darrü marü  
mósena wankü, didiburrdü?"  
Pita akó we balpinürr, da  
bóktanórr wagó, "Kótó koke!"  
Dümdüman, karrakarra póyaea  
we bóktanórr. Pita ene müót pul  
basirrdügab pulkaka burruanórr, da  
wirribóka yónüm we bainürr.




Blaman ene Zu isab [balngomól  
byarrmarr pama] bazebórr, da  
Yesun Paelatka idüdüp. Da Paelat  
Yesun we intinürr wagó, "Ia ma  
Zu pamkolpamab King  
módóglá?" Yesu  
bóktan we yalkomólórr  
wagó, "Ma kuri bóktóna!"



Paelatón ubi Yesun zirrapónóm  
yarylürr, da wa akó Zu  
pamkolpamdó bóktanórr  
ibü gyagüpitótók alüngüm.  
A i ma güblang-koke we  
taegwarr kwarilürr  
wagó, "Krrrosdó  
emngyelam, oya  
krrrosdó emngyelam!"



Da Paelat Yesun gazirr pamab tangdó we ingrinürr krrosdó amngyelóm. Gazirr pama Yesun amigóp, da we idüdüp. Wa tóba krros bügasilürr, we burruanórr Zerrusalem wirri basirrdügab. Tamórr kókó darrü bwób poko, ngi módóga, "Singül Kak" (Ibrru bóktane igó ngiliandako wagó, "Golgota".)



I oya krrosdó we emngyelóp;  
akó nis pam nis we nómgyelóp  
tibiób krrosdó, darrü tutul  
kwata, akó darrü banól  
kwata; Yesu ibü  
aodó yarilürr.



Ene tonarrdó ugón abüs singülküp yarilürr, da abüsan  
zyóna piküp bainürr akó tümüna dudu bwób ngaslaorr.  
Ene tümüna aüd abüs küp ngarkwatóm wamórr; akó  
[Godón Gyabi Müót] kugupidü ne wirri  
adrratórrón mórrkenyórra  
olean yarilürr, tebe aodó nis  
ór we bangónórr. Yesu wirri  
gyagüpi we górrganórr wagó,  
"Ba, ka kólba samu marü  
tangdó angrindóla!"

Wa inzan nóma  
bóktanórr, wa tóba  
dómdóm ngón we  
semanórr, da  
nurrótókórr.





Simaman nóma yarilürr, Zosep,  
Arrimatia wirri basirr pam, ugón  
tübzilürr. Wa darrü Zu  
pamkolpamab balngomól  
byarrmarr pam yarilürr,  
da pamkolpama oya  
morroal angón  
koralórr. Wa tüób  
Godón Kingzan

Balngomól akyan  
yarilürr. Ene dómdóm  
elklaza tómbapón  
ngürr yarilürr, darrü  
ngürr ama [Sabad]  
ki yarile. Zosep  
gum-koke we wamórr  
Paelatka Yesun бүдүл  
бүбүм atom.



Zosep wirri darrem baeb  
mórrkenyórr amiógürr, Yesun  
büb krrosdógabi ilkumilürr,  
da oya büb we  
errgótanórr  
ene mórrkenyórrri.  
Ene kakóm, wa  
gapókdó we  
ingrinürr.

Ene gapók  
karrkukus ingülküpdü  
alüngürrün yarilürr.  
Da wa wirri ingülküp  
we yanenórr, ene  
gapók mamtae  
murrausüm.



Yesun ne ngürr emkólóp, ugón  
dómdóm elklaza tómbapón ngürr  
yarylürr. Ene ngürr  
kakóm ma ibü [Sabad]  
ki yaril. Wirri prrist  
akó Parrisia Paelatón  
asenóm ugón  
ogobórr.



Oyabóka wagó, "Wirri pam, kibü  
kuri ngambangóle, ene  
ilklió bülión pam ne arról  
nóma yarilürr, wa igó  
bóktanórr wagó, 'Ka  
sab aüd ngürr kakóm  
büdüldügab ugón  
türsümulo.'"



Da i we ogobórr, ene gapók  
mamtaedó ne ingülküp yarilürr,  
wirri karrkukus sye-i  
arümóp anen-gum akó  
pama gapókdó  
bangrin-gum.  
Gazirr pam ola  
bingütóp gapók  
ngakanóm.



[Sabada] nóma blakónórr,  
udaian ngaen-gógópan ngürrdü,  
irrbianande, sisa nóma balgón  
yarylürr, Merri Magdalin  
akó darrü Merri gapók  
angónóm aurrürr.  
Da módóga, tüpa  
wirri arüngi we  
mórrbaengórr,

zitülkus  
Lodón darrü  
anerrua  
kwitümgabi  
we tübinürr.



Wa gapók minggüpanandó wamórr,  
zitülkus Lodón darrü anerrua  
kwitümgabi we tübinürr.

Wa gapók minggüpanandó  
wamórr, da ene  
ingülküp we yanenórr  
mamtaedógab.

Tüób wa we  
mórran-mórran  
bainürr  
ene

ingülküp  
kwitüdü. Gapók ne  
gazirr pama ngakan  
koralórr, ibüka kari  
gum tórrngón koke  
yarylürr, da i büdül  
pamzan bainóp.



Da anerrua ene kolbóka wagó,  
"E gumgu. Ka umulóla e Yesun  
amkündakla, krrosdó noan  
emngyelóp. Wa aini  
babula, zitülkus oya  
kuri irsümüle, wa  
tüób enezan  
yarylürr. Da  
yao, ene poko

ngakanóm togob,  
oya büb ne  
angrirrün yarylürr."






I gum tórrngónkü büsai-büsai we  
aurrürri gapókdógab. Ibü bübdü ta  
wirri bagürwóma tübangrinürr,  
da we busorri umulbain olmal  
umul-umulan ngibtanóm. Da  
módóga, i umulbain olmal  
umul-umulan ngibtanóm nóma  
aurrnürrima, da Yesukü

basenóp.



Ibüböka wagó, "Paud yabüka asi ki yarilün!" Da i oyaka we aurrürri, wakósingül nülkamürri, oya wapór nis nómoarri, oya [ótókóm].





Yesu akó dómdóm we okaka tübyónürr tóba 11 umulbain olmaldó, i nóma alo kwarilürr. Wa ibü nagóp, zitülkus ibü amkoman bangun babul yarilürr, akó ibü moboküp kari karrkukus koke koralórr ibü amkoman angunüm oya nidi esenóp arrólde.

Lod Yesun bóktana nóma blakónórr tóba umulbain olmaldó, ene kakóm God oya we sipadórr kwitüdü. Ene pokodó, wa wirri pabodó, Godón tutul tangdó we mórran-mórran bainürr.



Godón moboküpdü wirri ubi yarilürr ini  
tüpan pamkolpamdó, igósüm wa kürü ibü  
kókyanórr, tóbanan darrpanan olom,  
kürü amkoman nidi kangurre,  
kokean bamrükrre, a i ma sab  
ngarkwat-koke arról  
ipüdórre.



Rrom 3:23 blaman pamkolpama kolae tonarr tómbapórrre  
akó blaman igósidi gaadó kokeako Godón  
[wirri kómal zyón] amrranóm.

Rrom 6:23 Zitülkus módóga, kolae tonarran darrem  
ngarkwat-koke büdüla, a Godón [gyaur] kla módóga,  
ngarkwat-koke arról Kerriso Yesu mibü Lodkama.

Ibrru 9:27 God ngaen ingrinürr wa, blaman pamkolpama  
wata sab darrpan mün nurrbarile, akó ene kakóm,  
God sab ibü zaz nirre.

Epesus 2:8,9 Zitülkus módóga, ene Godón gail  
tonarrdógabi e zid bairrünakla, yabiób amkoman  
bangundügabi. Ene igó kokea igó, e darrü kla  
tónggapónarre Godón yabü zid bainüm, a yabü zidbain  
Godón [gyaur klame]. God yabü koke zid ninóp yabiób  
tórrmendógabi, igósüm darrü oloma koke  
ki ikub bagür yarile.



Rrom 10:9,10 Ene bóktan inzana wagó, ma ne nóma bótkono moba taepurri wagó, "Yesu wa [Lode]," akó moboküpdü amkoman angun namulo igó, God oya irsümülürr бүдүлдүgab, marü sab zid mine.

Zitülkus módóga, tóba moboküpi nadü oloma Yesun amkoman yangune, da God oya igósidi dümdüm tonarr olomóm ine. Akó tóba taepurri nadü oloma bóktóne igó, Yesu wa Lode, da God oya igósidi zid ine.

Zon 3:16,17 Godón moboküpdü wirri ubi yarilürr ini tüpan pamkolpamdó, igósüm wa kürü ibü kókyanórr, tóbanan darrpanan olom, kürü amkoman nidi kangurre, kokean bamrükrre, a i ma sab ngarkwat-koke arról ipüdórrre.

God tóba olom ini tüpdü igósüm koke zirrsapónórr pamkolpam zaz bainüm akó [kolaeen darrem] aliónüm, a wa ibü zid bainüm zirrsapónórr.



1 Zon 5:11-13 Akó ini wa ene bóktana: God mibü [ngarkwat-koke arról] tülinóp, akó ini arról oya Olomdóma. Olom asi noakama, oya ngarkwat-koke arról asine; Godón Olom babul noakama, oya ngarkwat-koke arról babula. Ka ini elklaza yabüka wialómdóla, Godón Oloman ngi amkoman nidi angundako, igósüm e umul kwarilo igó, yabü ngarkwat-koke arról asine.



Metyu 26-28; Luk 22-24; Zon 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Gizzra Bible (tof) © 2019, Wycliffe Bible Translators,  
Inc. All rights reserved.

<https://www.bible.com/bible/3574/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

